

ISUMALIUTISSIISSUT

Piffissaq piniarfiusoq tamaat isigalugu nalunaarutip aalajangersagaasa iluini, umimmannik ukiukkut piniarnek, taamaaliornermi assersuutigalugu Naternami pisassiissutit ukiukkut pisarineqanngitsoortut ukiukkut iluaqutigineqarsinnaasunngorlugit pinissaat, qulakkeeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

Pillugu

Aalisarnermut, Piniarnermut Nunalerinermullu Ataatsimiititaliamit saqqummiunneqartoq

Kristian Jeremiassen, Inuit Ataqaatigiit saqqummiussaa

Siunnersuutip aappassaaneerseqarnissaanut saqqummiunneqartoq

Ataatsimiititaliap suliamik sularinninnermini ilaasortarai:

Inatsisartunut ilaasortaq Jens Napaattooq, Naleraq siulittaasoq
Inatsisartunut ilaasortaq Aslak W. Jensen, Siumut, siulittaasup tullia
Inatsisartunut ilaasortaq Hans Aronsen, Inuit Ataqaatigiit
Inatsisartunut ilaasortaq Siverth K. Heilmann, Atassut
Inatsisartunut ilaasortaq Charlotte Pike, Inuit Ataqaatigiit
Inatsisartunut ilaasortaq Karl Tobiassen, Siumut
Inatsisartunut ilaasortaq Jens-Frederik Nielsen, Demokraatit

UKA2021 2. november 2021 siullermeerinninnerup kingorna siunnersuut ataatsimiititaliamit misissorneqarpoq.

Siunnersuutip imarisaa siunertaalu

Ukiuunerani umimmanniartarnissap qulakkeerneqarnissaa pillugu Naalakkersuisut peqquneqarnissaannik siunnersuuteqartoq kissaateqarpoq, taamaalilluni ukiaanerani piniarnermi pisarinngitsuukkat soorlu assersuutigalugu Naternarmi ukiuunerani piniarnermi atorluarneqarsinnaassallutik.

Siunnersuutip Inatsisartuni siullermeerneqarnera

Siullermeerinninnermi siunnersuut tapersorsorluarneqarpoq. Ilaatigutaaq partiit akornanni isumaqatigilluarneqarpoq Naternarmi ukiuunerani umimmanniarnermi qimussit kisiisa atorlugit piniartoqartassasoq.

Aalisarnermut Piniarnermullu Naalakkersuisoq paasissutissiivoq Naternarmi umimmattassat 2021-mi aasaanerani ukiaanerani pisarineqanngitsut 2022-mi ukiukkut piniarnissamut nuunneqarnissaat pillugu aalajangiisoqareersoq, taamaattumik siunnersuut piviusunngoreersoq, aaqqiissullu taanna maannamiit atuutissasoq allatut aalajangertoqarnissaata tungaanut.

Siunnersuummik ataatsimiititaliap suliarinninnera

Neqinik imminut pilersorerulernissap qulakkeerneqarnissaa kiisalu piniariaasitoqqat pigiinnarneqarnissaa ataatsimiititaliamit pingaartinneqarpoq, soorlu assersuutigalugu sumiiffinni periarfissaatillugu qimussinik umimmanniartarneq.

Taamaattumik Naternami ukiuunerani umimmanniartarnermut tunngatillugu siunnersuut piviusunngortinneqareersimasoq Aalisarnermut Piniarnermullu Naalakkersuisup paasissutissiissutigimmagu ataatsimiititaliamit nuannaarutigineqarpoq.

Nunami piffinni allani aasaanerani ukiaanerani piniarnermi pisassiissutit tamakkerneqarsimanngikkaangata, ukiuunerani umimmanniarnissamut pisassiissutit nuunneqartarnissaanut periarfissat Naalakkersuisumit misissorneqarsinnaassasut aamma ataatsimiititaliaq isumaqarpoq. Siunnersuuteqartup nammineerluni tamanna siunnersuummini qaqqippaa, qulequtaani allaqqammat – assersuutigalugu Naternaq.

Umimmanniarnermi piujuaannartitsinissap qulakkeerneqarnissaa eqqarsaatigalugu nunatsinni piffinni assigiinngitsuni umimmannik kisitsinissaq pillugu Naalakkersuisut pilersaarutai pillugit Aalisarnermut Piniarnermullu Naalakkersuisoq paasissutissiissasoq ataatsimiititaliap kissaatigaa.

Siunnersuutip aningaasaqarnikkut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinnissaanut aningaasaqarnikkut allaffissornikkullu kingunerisassai siunnersuutip tunngavilersuutaani allaaserineqassasut..

Pisortatigut aningaasaqarnikkut allaffissornikku kinguneqassanngitsoq siunnersuummi allaqqavoq, pisassiissutit pisarineqanngitsut nuunneqarnissaat pineqarmat. Ataatsimiititaliaq tamatumunnga oqaaseqaatissaqanngilaq.


Ataatsimiititaliap inassuteqaatai

Ataatsimiititaliaq isumaqatigiittoq siunnersuumik akuersisoqarnissaanik inassuteqaateqarpoq.

Naternami ukiuunerani umimmanniarneq piniariaasitoqqat attatiinnarusumallugit qimussit kisiisa atorlugit ingerlanneqartassasoq Ataatsimiititaliap isumaqatigiittup Naalakkersuisut kaammattuuteqarfigai.

Tamatuma saniatigut nunatsinni piffinni allani pisassiissutit aasaanerani ukiaanerani piniarnermi pisarineqanngitsuukkat eqqarsaatigalugit ukiuunerani piniarsinnaanerup qulakkeerneqarnissaa pillugu Ataatsimiititaliap isumaqatigiittup Naalakkersuisut kaammattuuteqarfigai.

Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappasaaniigassanngortippaa.




Jens Napaattooq
Siulittaasoq



Aslak W. Jensen
Siulittaasup tullia



Hans Aronsen



Siverth K. Heilmann



Charlotte Pike



Karl Tobiassen



Jens Frederik Nielsen

Vonau Motefeldt